

樂華體育會歷史

樂華體育會。成立於民國十五年秋。距今舊
及三載。其足球成績。有若春雷暴發。舉國咸驚。
。卽遠如歐美。亦有極佳譽論。刊諸報章。名馳
四海。洵足當之無愧矣。查樂華之產生也。實源
於廣東俱樂部。其時俱樂部有熱心體育者多人。
擬組織體育分部。會海上有樂羣足球隊者。因困
於經濟。大有不能支持之勢。隊員中有李惠堂及
余衡之兩君係俱樂部會員。見此情形。卽乘機倡
議合併。俾樂羣不致有解散之虞。俱樂部不致有
材難之歎。一舉兩得。莫此爲愈。得兩方同意。

遂於十五年秋開成立大會於廣肇公所。易名樂華。樂羣全體隊員及海上各大學健將。俱被邀列席。席間推霍守華盧煒昌譚竹罄三君爲委員。余衡之馬德泰二君爲幹事。由俱樂部熱心諸君捐輸用費。一時經濟充裕。人材麇集。乃謀加入西人聯會。以冀進步。惜無基本球場。不能在常年賽會中逐鹿。然史高托杯中初賽。竟能以四與一之比。擊敗稱霸一時之臘克斯隊。開滬地足球界之新紀元。於是國中人士莫不知樂華之名矣。後因新年材缺。在複賽中失敗。同時上海華人足球會比賽中。除與三育賽和一次外。餘均所向無敵。攬得錦標。是樂華成立第一年之經過也。十六年樂

羣舊友。因故脫離。樂華方面因有材缺之慮。幸後健將來歸者頗多。實力較前尤厚。乃假中華足球場爲基本場地。參與西人聯合會各項錦標比賽。在常年賽十四戰祇一負一和。以二十五分佔得鰲頭。高級杯賽則轉戰皆捷。獲得該杯錦標。惜史高托杯不幸於複賽時延長時間失去。否則上海三種足球錦標。樂華可一手握也。然以成立一載之球隊。首次加入羣雄角逐之西人聯會。竟能三勝其二。獲空前之榮譽。爲我華人生色不少。可慰尤可自豪矣。十七年夏。菲島林珠江君。耳樂華威名。乃派人敦請南下。與菲人週旋一月。表演經過。中外咸目爲足球機器隊。成績甚佳。於

九月返滬。返滬後即加入上海西人足球聯合會。前後轉戰四月。比賽十餘次。各隊員均能及時出場。不露倦色。獲得常年賽中比賽成績之最高席。及高級與司格托兩杯決賽權。今歲二月。兩次比賽。因觀衆與公正人及守門人發生風潮。致會中用其專制之手段。將樂華餘下諸比賽。悉數派在中園跑狗場舉行。因之人言鑿鑿。俱謂此舉實屬輕視華人。豈能忍受。回想樂華本身對於比賽。素重運動道德。從未有差池發現。此則中西人士所許者也。乃該會強制判罰。實於心不甘。但又以國體所系。不得不鄭重將事。因即召集全體大會。討論辦法。結果議決寧將本身榮譽拋却。